



Broj: 10/E-11-4515-1/25
Sarajevo, 02-09-2025. godine

Na osnovu člana 69. stav (2) tačka a) i člana 70. stav (4) Zakona o javnim nabavkama BiH ("Službeni glasnik BiH", broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine (u daljem tekstu: Komisija III), u postupku javne nabavke usluga grijanja, LOT 1 – usluge plinskog grijanja, putem pregovaračkog postupka bez objave obavještenja o nabavci (Zapisnik broj: 10/E-11-4515-1/25 od 22.08.2025. godine), Općinski načelnik donosi:

O D L U K U **o poništenju postupka javne nabavke**

I Poništava se postupak javne nabavke usluga grijanja, **LOT 1 – usluge plinskog grijanja**, pokrenut putem pregovaračkog postupka bez objave obavještenja o nabavci, Informacije o pregovaračkom postupku bez objave obavještenja o nabavci: 848-4-2-102-20-1/25 od 15.8.2025. godine, iz razloga što u određenom krajnjem roku nije dostavljena nijedna ponuda.

II Ova Odluka će se dostaviti kvalifikovanom kandidatu, koji je dostavio zahtjev za učešće, a objavit će se na web stranici Općine Centar, Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke usluga grijanja, putem pregovaračkog postupka bez objave obavještenja o nabavci pokrenut je Odlukom Općinskog načelnika o pokretanju postupka javne nabavke, broj: 10/E-11-4515/25 od 21.07.2025. godine.

Predmet nabavke podijeljen je LOT-ove, i to:

- LOT 1 – usluge plinskog grijanja
- LOT 2 – usluge centralnog grijanja

Ukupna procijenjena vrijednost javne nabavke bez uračunatog PDV-a iznosi 132.478,60,00 KM, od toga procjena za LOT 1 – usluge plinskog grijanja iznosi 96.239,60 KM bez PDV-a, a procjena za LOT 2 – usluge centralnog grijanja iznosi 36.239,00 KM bez PDV-a.

Informacije o pregovaračkom postupku bez objave obavještenja o nabavci: 848-4-2-102-20-1/25 od 15.8.2025. godine, objavljene su na Portalu javnih nabavki (www.ejn.gov.ba).

Poziv za dostavu zahtjeva za učešće u postupku, kao prva faza pregovaračkog postupka, objavljen je na Portalu javnih nabavki dana 15.08.2025. godine, zajedno sa kvalifikacionom dokumentacijom, odnosno tenderskom dokumentacijom, evidencijski broj: 10/E-11-4515/25.

Objavom na Portalu javnih nabavki, tenderska dokumentacija sa jasno definisanim uslovima za pretkvalifikaciju, kao i rokom za dostavljanje zahtjeva za učešće, postala je dostupna svim zainteresovanim kandidatima koji ispunjavaju uslove za učešće u predmetnom postupku javne nabavke. Komisija III konstatovala je da je, u roku predviđenom za dostavljanje zahtjeva za učešće, na protokolu Ugovornog organa, Općina Centar Sarajevo, zaprimljen **jedan (1)** zahtjev za učešće u postupku javne nabavke usluga grijanja, za LOT 1 – usluge plinskog grijanja, koji je dostavio ponuđač KJKP "Sarajevogas" d.o.o. Sarajevo.

Nakon izvršenog pregleda zaprimljenog zahtjeva Komisija III je utvrdila da je zahtjev za učešće formalno ispravan, da je kandidat/ponuđač uz isti priložio svu propisanu kvalifikacionu dokumentaciju, u skladu sa zahtjevima definisanim u pretkvalifikacionoj fazi, te je zaključila da kandidat/ponuđač ispunjava sve uslove pretkvalifikacije propisane tenderskom dokumentacijom.

Nakon pretkvalifikacione faze, poziv za dostavu početne ponude, kao druga faza pregovaračkog postupka, dostavljen je kvalifikovanom kandidatu/ponuđaču KJKP „Sarajevogas“ d.o.o. Sarajevo dana 21.08.2025. godine, putem Portala javnih nabavki, u skladu sa tačkom 1.6., faza broj 2, tenderske dokumentacije.

Poziv za dostavu početne ponude i inicijalni dokumenti preuzeti su sa Portala javnih nabavki od strane kvalifikovanog kandidata/ponuđača „Sarajevogas“ d.o.o. Sarajevo dana 21.08.2025. godine.

Nakon uvida u Zapisnik o zaprimanju početnih ponuda, broj: 10/E-11-4515/25 od 21.08.2025. godine, Komisija III je na zatvorenoj sjednici održanoj dana 22.08.2025. godine konstatovala da za LOT 1 – usluge plinskog grijanja, kvalifikovani kandidat/ponuđač nije dostavio početnu ponudu u krajnjem roku, odnosno do 22.08.2025. godine do 13:00 sati.

Budući da nije zaprimljena nijedna početna ponuda, Komisija III nije imala osnov za nastavak pregovaračkog postupka za LOT 1 – usluge plinskog grijanja.

O svemu navedenom Komisija III je sačinila Zapisnik o pregledu i ocjeni ponuda, broj: 10/E-11-4515/25 od 22.08.2025. godine, u kojem je konstatovala sve relevantne podatke i činjenice u vezi s predmetnim LOT-om.

Na sjednici održanoj dana 22.08.2025. godine Komisija III jednoglasno je donijela odluku da Općinskom načelniku predloži da, u skladu sa članom 69. stav (2) tačka a) Zakona o javnim nabavkama („Službeni glasnik BiH“, broj 39/14, 59/22 i 50/24), donese odluku o poništenju postupka javne nabavke usluga grijanja, za LOT 1 – usluge plinskog grijanja, što je zabilježeno u Zapisnik o pregledu i ocjeni ponuda, broj: 10/E-11-4515/25 od 22.08.2025. godine.

Odredbom člana 69. stav (2) tačka a) Zakona o javnim nabavkama („Službeni glasnik BiH“, broj 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju kada nije dostavljena nijedna ponuda u određenom krajnjem roku.

Općinski načelnik u postupku predmetne nabavke nije našao razloge niti nepravilnosti u radu Komisije III koji bi bili osnov za neprihvatanje prijedloga Komisije III, te je u skladu sa članom 69. stav (2) tačka a) i članom 70. stav (1) i (4) Zakona o javnim nabavkama („Službeni glasnik BiH“, broj 39/14, 59/22 i 50/24) donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-4515-1/25 od 22.08.2025. godine



Dostaviti:

1. Kandidatu: KJKP „Sarajevogas“ d.o.o.
Trg Fadile Odžaković Žute broj 4, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis